

M I M

1 6 4 8

~~C. 6. 5~~  
Ll, 2, 3.

30 B 10.

In usum Pedagogii  
Regii Glauchensis

19.  
GRATVLATORIA

Quibus

VIRUM *Admodum Reverendum, Clarissimum*  
& *Excellentissimum*

DN.

M. MARTINUM HEINSIUM,

Ecclesiæ Francofortanæ ad Oderam Pastorem Di-  
gnissimum, ejusdem & vicinarum Superin-  
tendentem Gravissimum

Cum

*Letissima pudicissimaq;* VIRGINE

ANNA HEDEWIGA SEGERS

VIRI

*Reverendi & Clarissimi*

DN. M. IOHANNIS Segers /

Superioris Ædis Francofortanæ Symmystæ  
quondam vigilantissimi meritissimi,  
relictæ Filia

Die 18. Jan. Anno 1647. ibid. Francofordiæ

Nuptias contrahentem

*excipiebant*

Fautores & Amici.

---

Typis Viduæ EICHORNIANÆ.

**P**ost fletum risus sequitur, post nubila Phæbus!  
Quippe DEUS, quæ sunt tristia, leta facit.  
Si dubitas, ades huc! Clarissimus HEINSIUS hoccè  
Mysta DEI, exemplo comprobat ecce suo!  
Ille tori sociam lacrimis deflevit amaris,  
Ut rapuit Mortis vis inimica trucidis:  
VEHRIA sic meruit pia, Claro nata Parente,  
Cujus BERLINUM dogmata sacra colit.  
Sed non absimilis succedit, nata SEGERO  
Virgo, nova hinc annò gaudia fert q̄, novò.  
Gratulor, & plures Tibi Chara SEGERIA vivat  
Annos, TE multâ prole beet q̄, precor!

Aff. & Benevolent. ergò Berolino mittebat

Andreas Bernicke / Sacri Palatii  
Lateranensis, Aulæq; Cæsareæ, &  
Imperialis Consistorij Comes, nec  
non Sereniff. & Potentiff. ELE-  
CTORIS Brandenburgici  
Consiliarius.

---

**A**Rdua res, thalami conscendere pulpita, bisq;  
Solvere diversis, debita jura tori.  
Ardua res Christi conscendere pulpita, turbæ  
Sanctaq; salvifico verba secare modo.  
Duplice, Tu GENER, Antistes sacer atq; colende,  
Auspicijs sanctis hoccè labore viges.  
Ille Deus socij qui sanxit fœdera lecti,  
Corcula vestra velit jungere amore pari;

Utq;

Utq; tori atq; Chori videas per-gaudia multa  
Et vigeas multâ prosperitate diu!

*Genero plurimum dilecto grat.*

*Samuel Hoffmannus, S. S. Theolog. D.*

Serenissimi & Potentiss. ELECT. Brandenb. S. Consistorij Consiliarius,  
Ecclesiarum Berolinensium  
Præpositus & vicinarum  
Superintendens.

---

M. MARTINUS HEINSIUS.

*per anagramma*

HEM! MARS NISU; SI UNIT.

ARS ME HIS UNIS MUNIT.

**S**olus Conjugij Deus est fundator & auctor;

Copulat ille suâ pectora bina manu:

Mox eadem magno dirimit non absq; dolore

Unanimi quondam corda ligata fide.

Denuò at intereà liventia vulnera sanat,

Atq; agro medicas porrigit ipse manus.

Nonne expertus idem nunc, HEINSI, Sponse, profaris?

En! redit in thalamum Virgo pudica tuum.

Quam priùs abstulerat Deus, banc cum fœnore reddit;

Gratulor! ô cordis dulce malagma fiet!

HEM! MARS dum tanto pergit disjungere NISU

Mentes, ne metuas, SI Deus UNIT eas,

A 2

Huic

Huic confide, ora, tua fac, & dilige Sponsam,  
*Hæc ARS ME HIS UNIS optima MUNIT, ai!*

Cum voto omnis prosperitatis gra-  
tulabundus fac.

M. Jacobus Helvvigius, Præ-  
positus & Inspector Suevo-  
Colonienfis.

---

Genero suo dilectissimo

DN. M. NARTINO HEINSIO, ad vota secunda accedenti.

**H**actenus, ut turtur, tristem sine Compare vitam  
Duxisti, expellens gaudia quæq; procul.  
Post luctum tandem redit, & Tibi jungit amico  
ANNAM SEGERI foedere castus amor.  
Sit foedus firmum, lætam post tristia vitam  
Tranfige, Conjugij gaudia mille sient.

M. PETRUS VHER;  
Ecclesiast. Berlin.

---

**S**PONSE, loco gaudes ANNAM revocare CATHRINÆ,  
Lætor ego cœptis, hæc nova vota cape:  
Adsit Sancta TRIAS vobis, & amore perenni  
Pectora vestra liget, ne sit amaror amor.  
Vos & vestra beet præpingui limina censu,  
Vosq; sinat lætâ crescere prole, toro.

*Sic ὀλοφύχως νοηο*

M. JOHANNES Balkar/  
Ecclesiæ Cathedralis Episco-  
paris Brandenburgici  
Pastor & vicinarum  
Inspector.

In

In Secundas Nuptias

VIRI Admodum Reverendi atq; Clarissimi  
DN. MAGISTRI HEINSII, Pa-  
storis ac Superintendentis Francofurdi  
ad Oderam dignissimi  
Sponsi &c.

**P**astoris sunt signa boni quæ ritè sequenda,  
Ut placeat Domino, qui regit omne solum:  
Signet, precedat, pascat, potetq; lavetq;  
Sanet oves, querat, portet agatq; domum.  
Es talis Pastor fidus, celeberrime Sponse  
HEINSI, qui quaris, pascis oves, animas,  
Desuper hinc Agnam tibi jam concedit amicam,  
Collocat inq; tuum summus Iova sinum:  
Ex sanctâ, quæ Pastoris, radice propago,  
Surculus ecce novus, Sponsa novella datur.  
Gaudia magna, tibi mæsto, pia reddidit Agna,  
Sponsum nunc recreans ANNA novella suum.  
Agna fuit quondam tibi dulcis, Clare Magister  
Pastoris recreans, sed periens abiit.  
Unde dolor magnus surgit, sed nunc novus, inde  
Gaudia tanta tibi, gaudia mille tibi.  
ANNA satis blanda est, tua Sponsa pudica, decora,  
Pastorem sequitur, Gratulor ergò tibi.  
Hanc Agnam pascas, lati vos vivite in annos,  
Agna & ovis, Pastor fructificent vigeant.

Sic ελοκαρδίας vovet

M. Joach. Fromm. Ecclesiast,  
Berol. Nicol.

**H**Aut caret eventu, quicquid Pietate magistrâ,  
Pro vitâq; pij, proq; salute, vovent:  
Cœlestem ad Patrem SPONSÆ pia MATER abibat,  
Quando suæ gnatæ prospera vota daret;  
Munere consimilem PATRI, virtuteq; Sponsum  
Vibrîtus optabat pro pietatē suâ.  
ANNULA SÆGERIANA TIBI dum jungitur, HEINSI!  
Quod fuit in votis Matris, id acta probant.  
Gratulor: Ex anno fluat annus, & adfluat omni  
Omne bonum, felix finis & ortus eat.

M. GEORGIUS LILIUS.

Aliud.

**V**Ota secunda cano TIBI nunc, qui Vota secunda,  
VIR VENERANDE capis, vota secunda cano.  
ANNULA Grata tuum venit HETVVIG SÆGERIANA  
In thalamum, Gremium ac ANNULA Grata tuum.  
Sit tibi conjugium PERFELIX, Sit BENELECTUM,  
PROLEq; FOECUNDUM sit Tibi conjugium.  
Gaudia mille Deus det, mutua gaudia cordis,  
Gaudia detq; Animæ gaudia mille Deus.  
Noxia quæq; fuget Deus, expellens mala cuncta,  
Corporis atq; Animæ Noxia quæq; fuget.  
Vos in AMORE DEUS Conseruet firmiter ambos,  
Roboret & vero vos in AMORE Deus.  
Regna beata poli det vobis Rector olympi,  
Qui tenet & donat regna beata poli.  
Sufficit inde mihi Votis conjungere Vota,  
Cætera præstet AMOR, sufficit inde mihi.

Ut



*Ut rata vota sient BENEDICAT CHRISTUS Iesus,  
Annuat & clemens, ut rata Vota sient.*

Sincero Cordis affectu apponebat  
hæc MLq;

Johannes Rosnerus Synodiconus  
Berolini ad D. Nicolai.

---

**D**Um moderante DEO jungis tibi foedere Sponsam  
HEINSI, legitimo, plurima fausta precor.  
Faxit Conjugij sacrati fautor & Autor,  
Ut benè succedat, quod benè cœpit, opus.  
Aurea pax, dulcis concordia, mutuus ardor  
Adsit, sed procul hinc jurgia quæq; sient.  
Vivite foecundi, foecundos edite foetus,  
Indole qui referent & pietate patrem.

*Fausta congratulationis ergo*

*Colon. faciebat*

Martinus Hännichius,  
Verbi ad D. Petri Minister.

---

M. MARTINUS HEINSIUS  
&  
ANNA HEDEWIGE SEGERIN

*per anagr.*

*omisso g.*

HEUS MANNA VENIT. REGES EAM. ID INNUIS RISU.

**N**osse cupis, qua, SPONSE, torum, CELE-

*BRATE per ora*

*Cunctorum, scandat SPONSA PUEL-*

*LA Tuum?*

Allusio ad c. 16, 15. Exod.  
ubi de manna cælitus de-  
lapso tanq. de re insuetâ  
& admiratione dignâ  
quærebant Israëlitæ  
נחמך ה' e. ur Lxx  
reçissimè verterunt, T<sup>3</sup>

HEUS

êsi 78to 5

HEUS Tibi MANNA VENIT *præstanti corpore*  
*Nympha,*

ANNA *sit illa retro nomen id omen habet.*

Manna enim dicitur à  
מַנָּה distribuit, & est  
juxta quosdam (rectius  
tamen statuitur particu-  
la Syriaca) idem ac portio  
unicuiq; admensa.

Quam Tibi particulam *sociavit calicæ viro*  
*tus*  
*Cordis ut auferret vulnera prima*  
*Tui.*

MANNA πολυλευσον *fuit, & tua Sponsa novella,*  
*Dotibus excellit splendida multijugis.*

MANNA *erat atq; μελιρρολον, & Tua Sponsa puella*  
*Mel Tibi largifluum stillat amoris idem.*

ANNA *Dulcis amica venit vitæ solatia præstans,*  
בַּסִּימָן *Basia multiplicans dulcis amica venit.*

MANNA *venit gratum, venit en tibi mellea virgo,*  
*Non trux ira venit, sed CHARITILLA venit,*  
*Moribus insignis, superans virtute puellas*  
*Sidereis oculis, purpureisq; genis.*

*Quacunq; aspicias micat hinc decor, inde venustas,*  
*Jucunda assurgunt undiq; delitia.*

*Cerne modò argutos quî in Te deflectat ocellos,*  
*Doctiloquoq; Tuo semper in ore habitat.*

*Hancè REGES contra, defendes, Optime Sponse*  
*Atq; patrocínio Tute tuebere EAM.*

*Tute tuere, gubernas, dilige, corrige Sponsam,*  
*Cum quâ certabis semper amore pari.*

Esse

*Esse soles comis, nec Te indulgentior alter,  
Risu quicquid aves INNUIS id placido.  
Non Tecum ira furens habitat nec tristis Erinny's,  
Ex oculis spirat gratia multa Tuis.  
Hinc tacitos in corde fovens nova Nupta calores  
Optato refici conjuge prona cupit.  
Quàm benè conveniet vos inter corcula bina!  
In quibus est eadem gratia, mens eadem.*

*Venâ frigidâ sed voto calido, eximio  
Sponsorum pari accin.*

M. Adamus Spengler  
Gymn. Berl. Rest.

Ode

Alcaic-Archilochio-Pindarica.

**N**on semper cructat tragicos sonos  
Brumale frigus: Nec glacie nitet  
Æquor coactum semper: udus  
Nec pluviam ipse ciens Orion  
Imbres nocivos contrahit usq;: nec  
Limosa tellus, dum Boreas fremit  
Vasto ore favus, contremiscit,  
Aut gemebunda pavefcit usq;:  
Sed deniq; æstas purpureo redit  
Vultu, nivofum quando perit gelu;  
Rursus jacit Phoebus nitorem  
Blandidulum, tenebris fugatis.  
Sic non feroces usq; tonans minas  
Pressos molestat fors homines ferox:  
Sed dat statu feliciori  
Deniq; terrigenas fruisçi.

B

Te

Te nuper horrendos reboans hyems  
 Flatus, fatigans omnigenis modis  
     Malas riantem comprimebat,  
     Quando tibi rapiens necabat  
 Mors vix datam favâ sociam manu.  
 Tristes dolores tunc animo premens  
     Ex corde voces proferebas  
     Sat querulas, gemitusq; multos.  
 Mentem jacentem nil recreans erat,  
 Nil, quod ferebat lætitiâ tibi;  
     Ædes erant tristes, jugalis  
     Tristis erat torus atq; mensa.  
 Multis tuas foedans lacrimis genas  
 Tales querelas cum gemitu dabas:  
     Dilecta quò tendis? meum Cor  
     Quò fugis? Heu! mea amica quorsum?  
 Quæ Morta te avulsam lateri meo  
 Raptans trahit conatibus improbis?  
     Quid factitem solus? mihi quis  
     Porriget heu! misero levamen?  
 Tales querelas cum gemitu gravi  
 Extorsit en! dilectio conjugis,  
     Atrox furentis quam necavit  
     Vis Lachesis sicilicet acuta.  
 Verum quiescant nunc lacrimæ graves,  
 Pectus quiescat discrucians dolor,  
     Nunc flebiles cessent dolores,  
     Nunc miseri gemitusq; cessent.  
 En bruma, quæ movit tibi turbines,  
 Diffugit! æstas en redit optima!  
     Imber boans nunc cum procellis  
     Desijt, & rutilus quadrigis

Phœbus

Phœbus vehens hem! blandidulum jubar  
Latè refundit. Sors vi duans torum.

Primum tibi vultu favente  
Et placidis oculis videtur.

Jungis maritam nunc aliam tibi,  
Demortuæ quæ ferre queat vicem:

Hæc blanda lux, hæc est levamen  
Hæcquæ; quies gravium dolorum.

Hæc suave (credas) basiolum tibi,  
Hæc hæc vigens, florens erit hæc tibi  
Semper rosetum, hæc hæc amœnis  
Blanditijs animum terentes

Curas amicè fallit. Amica lux  
Hæc hæc toro obsepto gravioribus  
Lucem tenebris innovabit  
Gaudia multa ferendo latè.

Certè jugalis nunc tibi dulcior  
Lectus, renidet nunc tibi pulchrius  
Tectum : ergò vestes lugubres nunc  
Exue, & indue, Sponse, lætas.

Cernin', coronam, quam tibi Nupta fert,  
Sertum viden', quod nunc tibi nectitat  
Formosa Virgo flore dulci,  
Atquæ; tuo capiti applicatur.

Tristes remittas nunc animo tuo  
Curas, erit posthæc ratio tibi  
Non ulla luctus: hæc amanter  
Auferet omne genus dolorum.

Formæ venustæ si videas decus,  
Cedit puellis hæc reliquis nihil.  
Fulgente splendent ocelli  
In facie, ut rutilant sereno

Bz

Stellæ

Stellæ polo: blandum refider decus  
 Rubris labellis: nã niveo micat  
     Collum velut sparsum vapore,  
     Sive nitet Parij ut lapilli.  
 Hæc hæc voluptas, hæc tibi gaudium;  
 Hæc hæc quies, fallens mala quælibet:  
     Jungens tibi hanc præclare Sponse,  
     Usq; novos agites triumphos.  
 Et Sponfa talem nacta tibi Virum,  
 Qui doctus est verè, pius ac probus,  
     Qui Concionator supremus,  
     Pectore lætitiã refunde.  
 Hunc, Sponfa, Sponsum amplectere suaviter,  
 Solo quiesce ac hoc socio toro:  
     Sic flamma nectet bina corda  
     Non violanda necis furore.  
 Hanc, Sponse, Sponfam amplectere suaviter  
 Solâ quiesce ac hæc socia toro:  
     Sic flamma nectet bina corda  
     Non violanda necis furore.  
 Ast hæc satis sunt: Vos igitur benè  
 Vestro in toro convivite: Nestorem  
     Tu Sponse vincas; Tuq; longos  
     Sponfa dies videas Sibyllæ.

M. Petrus Theſendorff  
 Gym. Berl. Con-Rect.

Vide Carm.  
 Nupt. Dn.  
 Philip Jac.  
 VVolfj.

**S** *Cripserat & calamo ac animo pius HEINSIUS  
 Cum peteret VVolfj fata benigna toro, (olim,  
 Se Berolinensem constanter amâsse puellam,  
 Qua toto placuit pectore sola sibi:*

Propter

Propter & hanc unam, Berolinum quas generâsset,  
Omnes se semper magnificare pias.  
Quaritis ergo pia, & blanda, facilesq; puella,  
Cur aliam quærat, currat & ad Viadrum?  
Sed benè. nondum animum mutavit, nec peregrinam  
Connubio Sponsam jungere constituit.  
Nam sibi quam sociam Francfur di fœdere junxit,  
Cum Berolinensis, tum Viadrina cluet.  
Urbs etenim mater fuit altera, & altera nutrix  
Francfur dum vitam: ast hæc alimenta dedit.  
Connubii causam si vultis: jungat ut urbis  
Utriusq; sibi Virginum amicitias.  
Quare Vos Berolinenses nolite puella  
Irasci, Nuptis nec malè velle no-vis.  
Nec Dominum Sponsam vos despexisse putate,  
Nam Vos semper adhuc diligit, hanc sed amat.  
Quin potius sociæ quondam benedicite vestra  
Tadis, & mecum vos rogitate Deum;  
ANNA HEDVVIG multos vivat feliciter annos,  
Nec ceu canna levis, morte peremta cadat.  
Vivat & incolumis, felix, expersq; dolorum  
Heinsius, & vincat secula Mathusalem.

Ita ex animo

Joachimus Francus, Gymn.  
Berol. Sub-Rector.

**N**on altum sævo cælum tonat usq; tumultu,  
Nec semper fundit nubilus Auster aquas;  
Sed nigræ fugiunt nubes: fera fulmina cessant,  
atq; suâ Titan lampade lustrat humum.

HEINSIUS hoc clarus nobis testatur abunde,  
Qui Francofurdi dogmata sacra docet.  
Non ita te pridem viduum sors fecerat atra,  
Vincula dum dulcis solvit amœna tori;  
Aura sed afflictas hodiè res mitior afflat,  
Dum thalamum scandit casta virago tuum.  
ANNÆ nomen habet, Pastoris sanguine creta,  
Tale dabit donum Gratia Dña pio:  
Cujus in ore nitet pietas, in pectore candor  
Emicat, in toto corpore fulget honor.  
Illa tuo tristes depellet pectore curas,  
Rebus in adversis dulce levamen erit:  
Ergo DEO Duce vota tibi, vir Clare, secunda,  
Verè ut utriq; sient vota secunda, precor.

*στυχάματα E. app:*

Christophorus Hindenberg.

---

**A**rgentum antiquo ritu fert unus & alter  
illis, qui jungunt fœdera casta tori;  
Sed quia destituunt me pondera fulva Metalli,  
Vir prædocte HEINSL, talia dona fero:  
Vivite Concordes subeuntes Vincula leti  
Conjugii, sapiens quæ DEUS instituit,  
Vivite felices, tantisper tædia vitæ  
Dum, vocit ante DEO, deposuisse juvet,

*Ira grat. Dn. Aff. suo*

Nicolaus Garverus, Gym. Berol. Coll.

*Nova γάμνα*

---

**H**aud hodie immeritò grator tibi docte Magister,  
Gratulor & Sponsæ, VIRVENERANDE, tuæ,  
Et Precor, & cupio, devotus flagito corde,  
Detq; DEUS votis pondus inesse meis.  
PELLE PROCUŁ SATANÆ SÆVUM PIE CHRISTE furorem  
A tædis cæpris conjugibusq; novis,  
Pel



Pelle procul lites & amara praelia linguæ,  
 A thalamoq; novo tristia pelle procul.  
 Nam veluti thalamus posthac vos unus habebit,  
 Sic una in vobis mens sit. & unus amor,  
 Una sit in vobis semper mens, una voluntas,  
 Unicus & teneat pectora bina calor.  
 Crescat amor suavis, fructus succrescat amoris,  
 Hinc vobis surgent gaudia mille toro.  
 Affluat ambobus precor ut fortuna, torumq;  
 Pignoribus multis & Venus alma beet.  
 Conjugium Sponsis toto ut sit tempore felix,  
 Id precor ô IESU fac bonitate tuâ.  
 Vivite vosq; diu quod jam Gnospelius optat.  
 IESU da votis pondus inesse meis.

Honoris & fausti ominis ergo  
admodulabatur

Georgius Gnospelius Cantor Berl.  
Ecclesie Marianz.

**F**iliolis Strenam Pater ut consuecit in anni  
 Felix auspiciis suppeditare novi;  
 Sic tibi Jova dedit Sponsam, peramabile donum,  
 Quo nihil in vita gratius esse potest.  
 Filia Doctoris præclari damna prioris  
 Conjugij reparat nobile, virgo, bonum.  
 Frigidulum in lectum quoniam succedit honestæ  
 Matrone, que jam contumulata jacet,  
 Isthac naturâ quondam ductrice Magistri  
 Docti PETRI VEHR filia chara fuit.  
 Ergo suscipias equiq; boniq;, quod offert,  
 Vir Reverende, Deus, quâ est bonitate tibi.  
 Qui solus magni gerit exorabile nomen  
 Patris, conjugium prosperet ille tuum.

Johannes Rünemann/ Gymn.  
Berol. Collega.

**W**as sol / Herr Breutigam/was sol denn ich euch schenken  
 An eurem Ehren-tag? Ich kan gar nichts erdencken.  
 So bin ich auch zu arm/das ich euch rothes Gold/  
 Ich te gern ichs denn auch thât, antzgo schencken solt.

Jedoch diß wil ich thun; Ich wil euch Gottes Segen  
Von Gott erwünschen; Gott der sey auff euren We. en  
Bey euch mit seiner Günst; Er laß euch/liebes Paar/  
Din Ehesegen seh'n nach Willen, alle Jar.

Johannes Marggraff/des Ber-  
linischen Gymnasij Collega  
infirmus.

### Dactylischer Glücks-wunsch.

**W**en Gleich und Gleich zusammen sich helt/  
Wie das gemeine Sprichwort vermelt  
Den auch die Thiere in Thalen / in Gründen/  
All mit einander ihrs gleichen wol finden/  
Damit sie sich mögen nehren/ und ehren/  
Lieben / vnd züchtig in Frucht sich auch mehren/  
So thut ihr billich/ das ihr euch wolt halten  
Zu euers gleichen/ und Gott lassen walten  
All euer thun und lassen beneben/  
Dazu Gott dem Herren nur gantzlich ergeben/  
Er wird euch auch Reichthum geben die Fülle/  
Wartet nur aus in Gedult und in Stille.  
Er wird euch segnen mit viel jungen Erben/  
Die er auch gar nicht wird lassen verderben/  
Sondern sie führen/erhalten / und nehren/  
Nothdurfft des Leibs/ und der Seel bescheren/  
Bleibt nur es wird gar gewisse geschehen/  
Ihr werdt's wol selber erfahren und sehen.  
Gott geb' euch derhalben viel Glückes und Segen/  
All euer thuen und lassen hergegen/  
Wol er regieren/und walten in allen/  
Wie es ihm und euch wol möge gefallen/  
Er geb euch Glück bey einander zu wohnen/  
In Gottes-furcht/er wirds euch wol belohnen/  
Vnd euch dan dafür das ewige leben  
Aus Gnaden umb Christi willen geben/  
So wol auch uns allen mit euch zugleich/  
Verhelffen einmahl in das Himmelreiche.

Dieses entwarff in Eyl seinem Hochgeehrten

Herrn M. Martino Heinso,  
Godofredus Rosnerus Berlin:

Serò transmissum.

**D**ulcis & amarities torus est, dulcedo & amara:  
Gaudens - lamentum; flens - risus; aquosa - Falerna.  
*Sed benè habet; Christi presentia temperat Omnem  
Sortis mixturam crepera: Feliciter illud  
Cedit conjugium, in quo CHRISTUS primus habetur  
In risum lacrimas, undas in vina saporans.  
Temperie hâc thalamus tuus buc innotuit usq;  
HEINSI, Theologum Decus ô pranobile nostrum!  
Dulcia vina tibi miscebat Vehria: At ô quàm  
Hydria prapropere beî! tua spumabat crucis unda!  
Nunc post exhaustas lacrimas, mœroris abissum &  
Depletam, ecce tibi nova vina & mella refundit  
ANNA illa HEDVVIGIS docti pia nata SEGERI.  
Christe fac illa suant caelesti & fonte benignè  
In vestrum & nostrum thalamum, & quem Filia proximò  
Ingressura die festivo, ô Numine faustò!*

Honoratiff. Dn. Adfinis thalamum  
honorare debui

Johannes Bercovius, Eccle-  
siastes Berlinens. ad.  
S. Mar.

*[Faint, mostly illegible text, likely bleed-through from the reverse side of the page. Some words like "CHRISTUS" are visible.]*

*[Faint text, possibly a signature or name.]*

Joannes Beroynus, Rechts  
Hilfes Schlichter, n. l.  
S. 1711

Blatt  
do  
Auflo  
Herr  
NIHN  
Doctor  
Sup  
L  
Die  
Herrn  
mollo  
G  
3  
8



Carmen Elegiacum quod scripsi Joanni Baptista Gebelio  
Svidnic. Silesio Pastori Eccl<sup>ie</sup> in Raciburo.  
cum gradum Magistr<sup>ii</sup> nancisceret Decano  
M. Thoduro Eberta 17 Calend. Maij  
A. 1624. aetate meae 19.

Ita bonis avibus GEBELI, quò Deus Autor,  
Quò te fata vocant, ita bonis avibus.

Magnum opus adgrederis, sed, quod tibi cine fultus  
Neminis atbeti, fortiter expedies.

Ambuet etantis linguam locuplete Suada,

**SPIRITUS** Orator calicus ille, tuam.

Semini<sup>um</sup> Disperge **DEI** per cordium agellos:

Nec sine mole preces, aut sine fruge, dato.

Et vineta **DEI** assiduo accubudq; labore

Percole, quo fructus mille suprag ferant:

**BAPTISTAM** ex cathedra **BAPTISTA** imitare tonantem

**GEBELI!** verà pro pietate puta:

Instrue non-doctos, errantes corrige, fractos

Erige, confuta dogmata vera minus.

Sic vivente volent tecum partizier annos

Prospera dicentes quòs sacra dicta feres.

Sublatiq; olim manibus, sine pondere terram

Manibus optabunt, (sed bene serò) tuis,

Cum tuba te rupta tumbà revocabit ab umbris,

**IOVA**, mei pastor dicet, adesto, gregis;

Ambrosià rursum te pascam & nectares quare

Magna cape astrati pramia, carpe, pòli.


Hoc penitis animi penetrabilibus coto, precordj

**JANE** mihi multo n nomine ebare! **VACE.**

ULB Halle  
002 062 674

3







Farbkarte #13

B.I.G.

14

VLATORIA  
 Quibus  
*am Reverendum, Clarissimum  
 Excellentissimum*  
 DN.  
 NUM HEINSIUM,  
 tanæ ad Oderam Pastorem Di-  
 isdem & vicinarum Superin-  
 ntem Gravissimum  
 Cum  
*udicissimaq; VIRGINE*  
 EWIGA SEGERE /  
 VIRI  
*endi & Clarissimi*  
 HANNIS Segers /  
 s; Francofortanæ Symmystæ  
 igilantissimi meritissimi,  
 relicta Filia  
 no 1647. ibid. Francofordiæ  
 tias contrahentem  
*excipiebant*  
 autores & Amici.  
 luæ EICHORNIANÆ.

